



City of Boston  
Mayor Michelle Wu  
Mayor's Office for Immigrant Advancement

**Pa Divulgason Imediatu:**

**Kontatu:** Mayor's Office for Immigrant Advancement (Gabineti di Kámara pa Promoson di Imigrantis)

Jerenti pa Komunikason: Pai En Yu - [paien.yu@boston.gov](mailto:paien.yu@boston.gov)

**MAYOR WU Y GABINETI DI KÁMARA PA PROMOSON DI IMIGRANTIS  
STA DA MINI-SUBSÍDIUS PA SAÚDI MENTAL PA SEIS  
ORGANIZASONS KI TA SIRBI IMIGRANTIS**

*\$39,000 konsededu pa organizasons sen fin lukrativu pa djuda na dezvoltimentu di programás di saúdi mental pa komunidadis di imigrantis*

BOSTON – Prezidenti di Kámara (Mayor) Michelle Wu y Gabineti di Kámara pa Promoson di Imigrantis (Mayor's Office for Immigrant Advancement, MOIA) sta distribui \$39,000 di mini-subsídus (*mini-grants*) pa 6 organizasons ki ta presta servissus pa imigrantis. Kes verbas ta ba djuda kes organizasons aumenta dezvoltimentu di programás di saúdi mental pa komunidadis di imigrantis.

Mòda Prezidenti di Kámara Wu ta fla “Ten assessu pa kuidadus bazikus di saúdi mental pode ser un dezafiu konplikadu pa komunidadis di imigrantis por kauza di barreras di língua y di kultura. Kes organizasons sen fin lukrativu sta presta servissus di apoiu pa saúdi mental ki ta satisfaze rezidentis, y N sta gradissida ki Munissípiu ta pode apoia ses sforsus inportantis y oportunos.”

Yusufi Vali, Diretor di Gabineti di Kámara pa Promoson di Imigrantis, ta fla “COVID-19 ten afetadu nos komunidadis di imigrantis di manera disproporsional. Sima nu sta lida ku sforsus di rekuperason, nu ten ki da prioridadi pa saúdi mental y djobe maneras inovadoris pa djuda pessoas rekupera.”

Kada un di kes seis organizasons sen fin lukrativu diversus ki ta presta servissus pa imigrantis ta ressebe \$6,500 pa dezvoltimentu di programás di saúdi mental.



City of Boston  
Mayor Michelle Wu  
Mayor's Office for Immigrant Advancement

Programas ta inklui servissus diferentis, sima konta stória, rodas di terapia txomadu *healing circles*, y ofisina di arti.

Kes organizasons li foi selesionadu pa ressebe mini-subsídus di saúdi mental di MOIA (MOIA Mental Health Mini-Grants):

**Asian American Resource Workshop (AARW):** Pa sessons mensal sobri ben-estar di komunidadadi y apoiu ku saúdi mental pa imigrantis aziátikus na Dorchester

**Brazilian Worker Center:** Alarga ses inissiativa txomadu *Mulheres Vencedoras* ku un programa di 8 semanas di durason pa ensina lida ku strés di dia a dia y bem-estar emossional

**Chica Project:** Uza treinu y konversas pa aborda fatoris sossial y kultural ki ta kontribui pa dezafius di saúdi mental y riskus di suíssidiu entri studantis femias, Latinx y Négras

**Community Healing Center Project with Mutual Aid Eastie:** Organiza feras di arti y sessons di treinu konsentradu na pratikas di kura/rekuperason sima rodas txomadu *peace circles* na East Boston

**Family Nurturing Center for Massachusetts:** Rializa 2 sessons txomadu *Nurturing Circles* pa mês y da pessoas oportunidadis di assessu a alimentus saudáveis y ku pressu assessível semanalmenti pa imigrantis Kabuverdianus na Dorchester, Allston, Brighton, Hyde Park, y Roslindale

**Somali Parents Advocacy Center for Education (SPACE):** Rializa 10 sessons di grupus pikenus na Roslindale y Roxbury pa famílias imigrantis di Somalia ki ten fidjus ku inkapassidadis

Tudu algén interessadu na partissipa na kes programas li pode kontata organizason direktamenti.



City of Boston  
Mayor Michelle Wu  
Mayor's Office for Immigrant Advancement

MOIA ta faze parseria ku *Leah Zallman Center for Immigrant Health Research* (Sentru Leah Zallman pa Peskiza di Saúdi di Imigrantis) pa sabe modi ki organizasons benefisiadus ta midjora rekursus di saúdi mental pa imigrantis. Rezultadus ta pode sirbi di guia pa investmentus di Munissípiu na futuro.

### **Sobri Gabeti di Kámara pa Promosondi Imigrantis**

Gabeti di Kámara pa Promoson di Imigrantis (The Mayor's Office for Immigrant Advancement - MOIA) ta trabadja pa fortalise kapasidadi di imigrantis pa partisipa di forma plénu y igual na vida ekonómiku, síviku, sosial y kultural na Boston. MOIA tanbe ta promove rekonhesiméntu y konprenson públiku di kontribuison di imigrantis pa Sidadi di Boston. Pa mas informason, vizita [boston.gov/immigrants](http://boston.gov/immigrants).

###